

I. PRINCIPADO DE ASTURIAS

• OTRAS DISPOSICIONES

CONSEYERÍA D'EDUCACIÓN Y CULTURA

EXTRACTU de la Resolución de 7 de mayu del 2018, de la Conseyería d'Educación y Cultura, pola que s'aprueba la convocatoria de la 39.ª edición del Premiu "Xosefa Xovellanos" de Novela en llingua asturiana.

BDNS(Identif.): 399015.

D'aluerdu colo previsto nos artículos 17.3.b y 20.8.a de la Llei 38/2003, de 17 de payares, Xeneral de Subvenciones, publícase l'extractu de la convocatoria que'l so testu completu pue consultase na Base de Datos Nacional de Subvenciones (<http://www.pap.minhap.gob.es/bdnstrans/index>).

Primero.—Beneficiarios:

Va poder presentase a esti premiu cualquier persona, ensin distinción de nacionalidá, siempre que nun resultare ganadora na edición anterior.

Segundo.—Oxetu:

Concesión del premiu a una novela escrita en llingua asturiana con una estensión mínima de setenta y cinco páxines a espaciu doble. La obra, de tema, xéneru y estructura llibre, ha ser inédita y non premiada n'otros concursos.

Tercero.—Bases reguladores:

Por Resolución de la Conseyería de Cultura y Turismu (actual Conseyería d'Educación y Cultura) de 5 de marzu del 2009 (BOPA de 27 de marzu del 2009) aprobáronse les bases reguladores del Premiu "Xosefa Xovellanos" de Novela en llingua asturiana.

Cuarto.—Importe:

3.000,00 euros.

Quinto.—Plazu de presentación de solicitúes:

Dende l'otru día de publicase l'extractu d'esta convocatoria en BOPA hasta'l 17 de setiembre del 2018 (día incluyíu).

Sesto.—Otros datos d'interés:

- Les obres han presentase en dos sobres cerraos nos que figure'l nome del Premiu y se faga constar el títulu de la obra y el seudónimu del autor/a. El sobre A ha contener datos del autor/a (señes, teléfonu y un currículum d'estensión breve); nel sobre B ha incluyise l'orixinal y cuatro copies del testu en formatu papel.
- La Conseyería d'Educación y Cultura guárdase'l derechu de publicar n'esclusiva la primer edición de la obra premiada, dando por pagos col premiu los derechos d'autor d'esta primer edición.
- Na sede electrónica del Principáu d'Asturies (<https://see.asturias.es>) pue consultase la Ficha de Serviciu: códigu 20041264, onde se va atopar el testu íntegru de la Resolución y información complementaria.

Uviéu, 7 de mayu del 2018.—El Conseyeru d'Educación y Cultura, Genaro Alonso Megido.—Cód. 2018-05161.